


15715

I Mag. St. Dr.

kat.komp.













15715

P

A 226/IV/79  
Radzowski Joan. Bapt. Quaestio de  
commutato.



2665 Brown

# QVÆSTIO

ad

c. vnicum Ext. de Commodato

A M. IO: BAPT: RADGOSKI, DE  
Radgofcz, Philosophiæ Doct. & Iurispru :  
Candidato, in Coll. DD. Iurisc. die x. Iulii,  
hora x. publicè ad disputandum

Proposita:

*Presidente Reuerendo & Consultissimo Domino*  
SEBASTIANO KRVPKA, I. V. D. ET PROFES:  
*Preposito Vielicien: &c.*



CRACOVIAE,  
In Officina Basilii Skalski, Anno Domini,  
M. DC. IX.





# IN STEMMA.



15715 J

SVLOVIAE stirpis quid monstrat STEMMATA vetustum,  
 Quid notat antiqua gentis equestre decus?  
 Felix auspiciis patriæ, ac Heliconæ colenti  
 Tutela fidum munus ubiq; bonis.





Perillustri & Reuerendissimo Domino,

DOMINO STANISLAO  
SVŁOWSKI, ABBATI

Tinecen :

D. & Patrono obseruandissimo,  
Salutem & Felicitarem.



ACTVRVS IN NOBILISSIMO IVRIS

prudentie studio primum periculum Perillustris & Reuerendissime Domine: cum meam curam extendere, sub cuius patrocino & auctoritate arduum hoc decertandi genus sustinerem felicius: ad te ire & sub tuo amplissimo nomine, primam in opere legitimo recitationis aleam subire multa suaserunt & persuaserunt. Nam præter generis, & familie splendorem, Sacerdotij dignitatem, pietatis, prudentie, cæterarumq; virtutum, quibus animi ad optima & maxima excitantur, iucundissimum concentum, literarum quoq; alumnos habes, quos auctoritate tueris, liberalitate foues, raro exemplo. Non ignoras quippe, quàm præclare hi, & singulis & vniuersis prosint, licet à foro & publico recedant. Neq; enim is solus, ut ait Prudentissimus Seneca, Reipub: prodest, qui candidatos extrahit, & tuetur reos, & de pace belloq; censet; sed & qui iuuentutem exhortatur, qui virtute instruit animos, qui ad pecuniam luxuriamq; cursu ruentes prensat ac retrahit, & si nihil aliud certè moratur, in priuato publicum negotium agit. Et cum ceteræ bonæ artes & discipline viles sint, tum Iurisprudentia quanta quanta est, tota ad humanam societatem tuendam & conseruandam, tota ad bonum publicum promouendum comparata est: adeo ut Sacratissimus Imperator Iustinianus affirmet, nihil studiosius viliusq; in om-

in omnibus rebus inueniri legum auctoritate, quae & diuinas & humanas res bene  
disponit, & omnem iniquitatem expellit. Ex huius nobilissimae facultatis  
Myrrotheijs particulam ad te fero Perillustri & Reuerendissime Domine,  
ut sit perpetua in te mea obseruantiae testimonium. Exiguum hoc & tenue mu-  
nus vultu & animo benigno suscipe, ut tuo aspirante fauore ex vestibulo sacrae  
scientiae, intra penetralia ingressus formam legum pulcherrimam non conuiuen-  
tibus oculis possim aspicere. Vale diu felix literarum & literatorum patrone.  
Cracouiae: è Contubernio Iuristarum IV. Nonas Iulij. Anno Domini  
M. DC. IX.

Perillustri & Reuerendissime.  
Celsitud. vestrae,

deditissimus

M. ro. Bap. Radgoski,  
Philos. Doct. I. V. C.



# Q V Æ S T I O

Ad

c. vn. Extra De Commodato.

V. Commodatarius re commodata deteriore facta, vel amissa, ad id quod interest, tam de dolo & culpa, quàm de casibus fortuitis Commodatori teneatur nec ne?

## Conclusio I.

Res in usum Commodatarii concessa, & eius culpa deterior facta, reddita non videtur, nisi quod interest præstetur.

### C O R O L L A R I A.

- I. Commodatarius non solum saluam rem & integram, sed etiam eius accessoria Commodatori præstare tenetur.
- II. Alio loco & tempore Commodatum, quàm conuentum est restituens, ad id quod interest obligatur.
- III. Commodatarius qui vitur commodato ad aliud, quàm sibi commodatum fuerat, vel certi ac præscripti vsus limites exceßerit, furti tenetur.
- IIII. Æstimatio Commodati, quoties dolo aut lata culpa deperit, facienda erit, non ex veritate tantum; sed etiam

ex affectione, secundum quod actor in litem iurauerit.

## Conclusio II.

Commodatarius dantis gratia Commodatum accipiens, de dolo & lata culpa, in eius amissione, vel deterioratione respondebit.

### COROLLARIA.

- I. Commodatarius in Commodato exactissimam diligentiam adhibere debet.
- II. Impensæ factæ in valetudinem serui Commodati, vel ob aliam rationem, aut iure pensationis seruantur, aut contrario iudicio repetuntur.
- III. Seruus vel equus, si à latronibus, vel in bello in aliam causam Commodati, occisi sunt, actio Commodati datur.
- IIII. Si filiofamilias seruus Commodatum sit, duntaxat de peculio agendum erit.

## Conclusio III.

In Commodato, quod in vtriusque utilitatem fit, casus fortuiti ei, qui Commodatum accepit, si aliqua culpa interuenit, imputantur.




## C O R O L L A R I A.

- I. Si factō incendio, ruina, naufragio, aut quō alio simili casu, res Commodata amissa sit, tenebitur eo nomine Is cui Commodata est, quoties cū forte posset rem Commodatam saluam facere, suam prætulit.
- II. Si res æstimata Commodatō accepta sit, omne periculum præstandum ab eo, qui æstimationem se præstaturum recepit.
- III. Quotiescūque Commodatarius est in mora, periculum casus fortuiti ad eum pertinet.
- IIII. Commodatarius si ex pacto generali casus fortuitos in se recepit, Commodatori quanti interest, condemnari debet.

Hæc Quæstio cum suis Conclusionibus & Corollariis, disputabitur in Lectorio DD. Iuricons. Academiæ Cracouien. die x. Iulij, hora x.



















Biblioteka Jagiellońska



SIAR0013466

